

# სახელმწიფო შესყიდვის შესახებ ხელშეკრულება N03/04

პენიტენციური სისტემის პოლიტიკის შემუშავებისა და მართვის სისტემა 27 01 01  
გამარტივებული შესყიდვა

ქ. თბილისი

2 მარტი 2018 წელი

ერთი მხრივ, საქართველოს სასჯელაღსრულებისა და პრობაციის სამინისტრო (შემდგომში „შემსყიდველი“) წარმოდგენილი მინისტრის მოადგილის - თეიმურაზ მღებრიშვილის სახით და მეორე მხრივ, სს „სამედიცინო კორპორაცია ევექსი“ - ტრავმატოლოგიური ჰოსპიტალი (შემდგომში „მიმწოდებელი“) წარმოდგენილი დირექტორის - ჯანო ვაშაძის სახით, ორმხრივი შეთანხმების საფუძველზე, „სახელმწიფო შესყიდვების შესახებ“ საქართველოს კანონის მე-9 მუხლის 3<sup>1</sup> პუნქტის „ბ“ ქვეპუნქტის საფუძველზე ვდებთ ხელშეკრულებას შემდეგზე: (2018 წლის 14 თებერვლის MOC 4 18 00001119 ბრძანება)

## 1. ხელშეკრულების საგანი

1.1. ხელშეკრულების საგანს წარმოადგენს სასჯელაღსრულებისა და პრობაციის სამინისტროს წვევამდელისათვის გაწეული მკურნალობის ხარჯების ანაზღაურება (CPV კოდი - 85100000 - ჯანდაცვის სფეროს მომსახურებები).

## 2. შესყიდვის ობიექტი

2.1. შესყიდვის ობიექტია სასჯელაღსრულებისა და პრობაციის სამინისტროს წვევამდელისათვის გაწეული მკურნალობის ხარჯების ანაზღაურება.

## 3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს: 1185.00 ლარს (ერთი ათას ას ოთხმოცდახუთი ლარი და 00 თეთრი) ლარს.

3.2. შესყიდვის ობიექტის (მომსახურება) ერთეულის ფასი განსაზღვრულია დანართი N1-ით, რომელიც წარმოადგენს ხელშეკრულების განუყოფელ ნაწილს.

3.3. ხელშეკრულების 3.1. პუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

## 4. მომსახურების ხარისხი და გარანტია

4.1. მიმწოდებელი იძლევა გარანტიას დროული, ადეკვატური, კვალიფიციური და ხარისხიანი მომსახურების გაწევის შესახებ.

4.2. მომსახურების გაწევის მისამართი: ქ. თბილისი, ლუბლიანას ქ. N 21, სს „სამედიცინო კორპორაცია ევექსი“ - ტრავმატოლოგიური ჰოსპიტალი.

## 5. მომსახურების მიღება-ჩაბარების წესი

5.1. მომსახურების მიღება ფორმდება მიღება-ჩაბარების აქტის საფუძველზე, მომსახურების გაწევის დამადასტურებელი დოკუმენტაციის წარმოდგენის შემდგომ. მიმწოდებელი ვალდებულია შემსყიდველთან წარმოადგინოს შემდეგი დოკუმენტაცია: **გამარტივებული ანგარიშფაქტურა (ინვოისი), ჯანმრთელობის მდგომარეობის შესახებ ცნობა (ფორმა 100) და დანართი N2.**

5.2. მიღება-ჩაბარების აქტს შემსყიდველის მხრიდან ხელს აწერს სამინისტროს ეკონომიკური დეპარტამენტის უფროსი - მედეა მიქაცაძე, ხოლო მიმწოდებლის მხრიდან დირექტორი ან მის მიერ საამისოდ უფლებამოსილი პირი.

## 6. ანგარიშსწორების პირობები

6.1. ხელშეკრულებით განსაზღვრული მომსახურების ანაზღაურება მოხდება უნაღდო ანგარიშსწორების ფორმით ეროვნულ ვალუტაში.

6.2. ანგარიშსწორება სამინისტროს მიერ განხორციელდება დანართი N1-ით განსაზღვრული ფასების შესაბამისად.

6.3. ანგარიშსწორება სამინისტროს მიერ განხორციელდება მიმწოდებლის მიერ მიღება-ჩაბარების აქტის გაფორმებიდან: **10 სამუშაო დღის** ვადაში.

6.4. დაფინანსების წყარო: 2018 წლის სახელმწიფო ბიუჯეტი.

## 7. მხარეთა უფლება-მოვალეობანი

7.1. შემსყიდველს უფლება აქვს:

შეამოწმოს, სამედიცინო დაწესებულების მიერ წარმოდგენილ დოკუმენტაციაში არსებული სამედიცინო მომსახურების განფასების შესაბამისობა და მითითებული ფასების თანხვედრა ხელშეკრულების დანართი N1-ში მითითებულ ფასებთან მიმართებაში, ასევე რამდენად სათანადოდ იქნა მომსახურება გაწეული სამედიცინო

დაწესებულების მიერ, როგორც მომსახურების გაწევის დროს, ისე ამ ხელშეკრულების მოქმედებისა და ხელშეკრულებით გათვალისწინებული ურთიერთვალდებულებების არსებობის პერიოდში ნებისმიერ დროს.

**7.2. შემსყიდველი ვალდებულია:**

მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

**7.3. მიმწოდებელს უფლება აქვს:**

მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით.

**7.4. მიმწოდებელი ვალდებულია:**

- ა) წარმოადგინოს ანგარიშსწორების განსახორციელებლად საჭირო დოკუმენტაცია;
- ბ) ხელშეკრულების შესრულების პროცესში წამოჭრილ გაუთვალისწინებელ ხელშემწეულ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

**8. მხარეთა პასუხისმგებლობა ხელშეკრულების დარღვევისას**

- 8.1. მიმწოდებლის მიერ ხელშეკრულების არაჯეროვნად შესრულების შემთხვევაში, მიმწოდებელს ეკისრება პირგასამტეხლო გაწეული მომსახურების 20%-ის ოდენობით.
- 8.2. იმ შემთხვევაში, თუ პირგასამტეხლოს ჯამური თანხა ხელშეკრულების მოქმედების პერიოდში გადააჭარბებს ხელშეკრულების ღირებულების 20%-ს, მხარეებს უფლება აქვთ შეწყვიტონ ხელშეკრულება.

**9. ხელშეკრულების მოქმედების ვადა**

- 9.1. ხელშეკრულების მოქმედების ვადა განისაზღვრება ხელშეკრულების გაფორმებიდან 2018 წლის 31 აგვისტოს ჩათვლით.

**10. ხელშეკრულების პირობების გადასინჯვა და ცვლილებების შეტანა**

- 10.1. წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 10.2. ხელშეკრულების დამდებ არც ერთ მხარეს არაქვს უფლება ცალმხრივად შეცვალოს ხელშეკრულების პირობები.
- 10.3. ხელშეკრულებაში ნებისმიერი ცვლილება დაიშვება მხოლოდ მხარეთა წერილობითი შეთანხმებით.
- 10.4. თუ ხელშეკრულების პირობების შეცვლის აუცილებლობა წარმოიშობა, წინასწარ გაუთვალისწინებელი მიზეზების გამო, ცვლილებების შეტანის ინიციატორი ვალდებულია წერილობით შეატყობინოს მეორე მხარეს ნებისმიერი ინფორმაცია ცვლილების შესახებ. ცვლილება ხელშეკრულებაში შეტანილად ჩაითვლება ორივე მხარის მიერ ხელშეკრულების ცვლილებაზე/შეთანხმებაზე ხელმოწერის დღიდან.
- 10.5. ხელშეკრულებაში ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

**11. დაუძლეველი ძალა (ფორს-მაჟორი)**

- 11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები, საომარი მოქმედებები, საქონლის ან/და მომსახურების მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 11.2. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.
- 11.3. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა „11.1“ პუნქტიდან გამომდინარე სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 11.4. ფორს-მაჟორული გარემოების არსებობა დადასტურებული უნდა იყოს საამისოდ უფლებამოსილი სახელმწიფო ორგანოს/ორგანოების მიერ.

**12. ხელშეკრულების ინსპექტირების პირობები**

- 12.1. მომსახურების გაწევის შემდეგ (ან შესრულების პარალელურად) შემსყიდველი უფლებამოსილია განახორციელოს გაწეული მომსახურების ინსპექტირება, გარდა გაწეული სამედიცინო მომსახურების ხარისხისა.
- 12.2. ინსპექტირების განხორციელების შემდგომ დგება ინსპექტირების აქტი. ინსპექტირების აქტში მითითებული უნდა იყოს გაწეული მომსახურების დასახელება, ღირებულება, ინსპექტირებისას აღმოჩენილი დარღვევები.
- 12.3. ინსპექტირების აქტის საფუძველზე თუ არსებობს ვარაუდი სამედიცინო მომსახურების უხარისხოდ გაწევასთან დაკავშირებით, შემსყიდველს უფლება აქვს, ინფორმაცია მიაწოდოს სსიპ - სამედიცინო საქმიანობის სახელმწიფო რეგულირების სააგენტოს, ასევე, საჭიროების შემთხვევაში, მიმართოს სსიპ - აკად. ლევან სამხარაულის სასამართლო ექსპერტიზის ეროვნულ ბიუროს. დარღვევის დადასტურების შემთხვევაში, ექსპერტიზის ხარჯებს ანაზღაურებს მიმწოდებელი.
- 12.4. ხელშეკრულებაზე ინსპექტირების განმახორციელებელი პირი - სამინისტროს ეკონომიკური დეპარტამენტის უფროსი- მედეა მიქაცაძე.

**13. ხელშეკრულების შეწყვეტა**

- 13.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევაში, თუ:
  - ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
  - ბ) შემსყიდველისათვის ცნობილი გახდა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
  - გ) ხელშეკრულების ვადის გასვლის საფუძველზე.
- 13.2. ურთიერთშეთანხმების საფუძველზე.
- 13.3. მიმწოდებელი უფლებამოსილია ცალმხრივად, 14 დღით ადრე წერილობითი შეტყობინების საფუძველზე შეწყვიტოს ხელშეკრულება იმ შემთხვევაში, თუ წინამდებარე ხელშეკრულებით ნაკისრი ვალდებულებების შესრულება დაახიანებს მის ახლად გამოვლენილ ინტერესებს.
- 13.4. ხელშეკრულების ცალკეული პირობის მოქმედების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

**14. დავები და მათი გადაწყვეტის წესი**

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს მოლაპარაკების გზით.
- 14.2. შეთანხმების მიუღწევლობის შემთხვევაში, მხარეები მიმართავენ სასამართლოს კანონმდებლობის შესაბამისად.

**15. ხელშეკრულების სხვა პირობები**

- 15.1. მხარეები აუნაზღაურებენ ერთმანეთს მიყენებულ ზიანს, საქართველოს კანონმდებლობის შესაბამისად.
- 15.2. არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.
- 15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.4. ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის მოთხოვნათა შესაბამისად.
- 15.5. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა. ხელშეკრულების ერთი ეგზემპლარი ინახება მიმწოდებელთან, ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.6. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

**16. მხარეთა რეკვიზიტები**

შემსყიდველი	მიმწოდებელი
<p>საქართველოს სასჯელაღსრულებისა და პრობაციის სამინისტრო                      მის: ქ. თბილისი, ვახტანგ გორგასლის N83ა,                      საიდენტიფიკაციო კოდი: 204564934,                      სახელმწიფო ხაზინა კოდი: TRESGE22,                      ა/ა GE24NB0330100200165022</p> <p>მინისტრის მოადგილე</p> <p><i>[Handwritten Signature]</i></p> <p>/თეიმურაზ მღებრიშვილი/</p>	<p>სს „სამედიცინო კორპორაცია ევექსი“ - ტრანსმატოლოგიური ჰოსპიტალი                      მის: ქ. თბილისი, ლუბლიანას ქ. N 21                      ,საიდენტიფიკაციო კოდი:404476205,                      საბანკო რეკვიზიტები: სს „თიბისი ბანკი“,                      ბანკის კოდი: TBCBGE22,                      ანგარიშის ნომერი: GE61TB7951236020100004</p> <p>დირექტორი (პ/ნა: 01025003872)</p> <p><i>[Handwritten Signature]</i></p> <p>/ჯანო გამაძე/</p>

*[Handwritten mark]*



# საქართველოს სასჯელაღსრულებისა და პრობაციის სამინისტრო






ხელწერილი ინტერესთა კონფლიქტის არ არსებობის შესახებ

თარიღი: 2 მარტი 2018 წელი

მიმწოდებელი: სს „სამედიცინო კორპორაცია ევექსი“ - ტრავმატოლოგიური ჰოსპიტალი

ხელშეკრულების № 03/04

ინტერესთა კონფლიქტის თავიდან აცილების მიზნით, საქართველოს კანონის "სახელმწიფო შესყიდვების შესახებ" მე-8 მუხლს "ინტერესთა კონფლიქტის თავიდან აცილების პირობები" ვადასტურებთ, რომ საქართველოს სასჯელაღსრულებისა და პრობაციის სამინისტროს თანამშრომლები ზემოაღნიშნულ მიმწოდებელთან ინტერესთა კონფლიქტში არ ვიმყოფებით, ასევე გავეცანით ხელშეკრულების პირობებს რასაც ვადასტურებთ ხელისმოწერით:

მინისტრის მოადგილე		თეიმურაზ მღებრიძე
ეკონომიკური დეპარტამენტის უფროსი		მედეა მიქაცაძე
იურიდიული დეპარტამენტის უფროსი		ალექსანდრე დარახველიძე
ეკონომიკური დეპარტამენტის უფროსის მოადგილე		გიორგი ციბაძე
ეკონომიკური დეპარტამენტის სახელმწიფო შესყიდვების სამმართველოს უფროსი		სოფიო ბარბაქაძე

სს „სამედიცინო კორპორაცია ევექსი“ - ტრავმატოლოგიური ჰოსპიტალი

დასახელება	საზომი ერთეული	რაოდენობა	ფასი	თანხა (ლარი)
S02.2 ცხვირის ძვლების მოტეხილობა-DHSD10 ცხვირის მოტეხილობის დახურული წესით ჩასწორება	ცალი	1	485	485
S43.1 ლავინ-აკრომიონის სახსრის ღრმობა-NBSH12 ლავინ-აკრომიონის (აკრომიო-კლავიკულარული) სახსრის ა...	ცალი	1	700	700
<b>სულ გადასახდელი თანხა:</b>				<b>1185,00</b>

შემსყიდველი:

საქართველოს სასჯელაღსრულებისა და პრობაციის სამინისტრო



თეიმურაზ მღებრიშვილი



მიმწოდებელი:

სს „სამედიცინო კორპორაცია ევექსი“ - ტრავმატოლოგიური ჰოსპიტალი



ჯანო ვაშაძე

